

# ثابرات ويسّ ثنائين ن بطروس

## أسدچم

1 **1** اسمعان بطروس، اسمع ذ وُمازان ن يشو لمسيح، ايني غار اذجا انشت لايمان  
اغران ام نشين س شسكلذا ن اربي، امسنجم نغ يشو لمسيح. <sup>2</sup>تيعمذ ذ رهنا اذ  
خاوم مارنين س ثموسنا ن اربي ذ يشو، سيديتغ.

### ثاراغيث ن اربي س وعودجي و س رفاضير نس

<sup>3</sup>اقا جهذ ن اربي اوشا انغ مارا مين ايتحصا ا ثوذارت و ا ووقار ن تشوني ذك و بريذ ن  
ثموسنا ن وني اذ انغ-د اراغان س وعودجي و س رفاضير، <sup>4</sup>ا زائسن اذ انغ اموشن روعوذ  
اغران امغارن اطاس، جيما اذ زائسن ثدورم ثشارشم ذي طبيعت ن اربي، ام ثارورم زي  
رعش ا احكمن ذي ثونيت زي سبيت ن نشوات. <sup>5</sup>ماشاخ مان ايا سيمانن نس، كم  
مارا تيزمار نوم، ارنيم غار لايمان نوم رفاضير و شا غار رفاضير ثاموسنا، <sup>6</sup>وشا غار ثموسنا  
صبط ن نفس، غار صبط ن نفس صبار و شا غار صبار اوقار ن تشوني، <sup>7</sup>وشا غار ووقار ن  
تشوني ثايري ا واومائن و غار ثايري ا واومائن ثايري ا اوذان مارا. <sup>8</sup>مارا ذايوم ثيمسرايين-ا  
وشا اذ ذايوم فيضنت، وار كنيو تجينت ثخوام نيغ نبرا رعيدچت ذي ثموسنا ن سيديتغ  
يشو لمسيح. <sup>9</sup>مينزي وني وار غار ذجيت ثيمسرايين-ا، اذارغر، وار اتيوري شا غار راكواج،  
اقا ائو اسيزذك ن دنوب نس ايني ثوغا غارس زيش. <sup>10</sup>خ ويني، ا اثيما، شضارم كتار جيما  
اذ تضمم ثاراغيث ذ و سبخضار نوم، مينزي مارا نكم ايا، خني عمارص اذ ثنقارضم.  
<sup>11</sup>مينزي امو اذ اوم امارني واذاف ايشان غار نكلذيت ن ربا ن سيديتغ يشو لمسيح. <sup>12</sup>خ  
ويي وار ثوغ شا ماحند اذ كنيو سعقرغ زي مان ايا ربا، واخا كنيو ثسنم و شا ثبدم ذي  
ثيذت ثني غاروم رخو. <sup>13</sup>ماشا اتيغير ابي نيشان، مين غا كغ عاذ ذك و قيصون-ا، جيما اذ  
كنيو سفاغ و شا اذ كنيو سعقرغ، <sup>14</sup>مينزي سنع، ثاكسيث ن و قيصون ائو اذ د ثاس ذغيا،  
ام ماشذ ذ ابي اساركب سيديتغ يشو لمسيح عاوذ. <sup>15</sup>ماشا اذ كغ تيزمار جيما اذ ثعقرم  
خ ثمسرايين-ا اوارني و فوغ ائو. <sup>16</sup>مينزي نشين وار نضفار شا ثيخوجا اسائسن، و مي ثوغا

ذ اوم نَتْبَارَح س جَهْدَس ن تَواسِيث ن سِيذِيئَنغ يَشُو لَمَسِيح، ماشا اَقَّا نَشَهْدَس س ثِيطَلَوِين نَغ خ لعاضاما. <sup>17</sup> مِينِزِي نَتَّا اِطْف زِي اَرَبِّي ثاباباث شَان ذ وُغُوْدَجِي وُومِي ذ اس-د تُوَسا ثَمِيحًا زَكَّ وُغُوْدَجِي يُوَعْران ”وا ذ مِّي اِنُو اِعِيَزَن وِنِّي اِ ذِي كَغِيغ اَرَضَا اِنُو.“ <sup>18</sup> وُشَا نَسْرَا ثَمِيحًا-يا-تُوَسِي-د عاوِذ زَكَّ وُجِنَّا وُومِي ذ انغ تُوغا اَكِيَس خ وُذْرار اِقْدَسِن. <sup>19</sup> خَنِي اَقَّا غَارَنغ اُوارن ن اِمكاشافن نيشان وُشَا اَذ نَكَم مَلِيح مارا تُوَسِيَم اَسَن تائِيث اَم اِج ن رَفنار يارَقَن ذِي تادچسْت، اَر اِ غَا اِدُوَقْر واس وُشَا تَفاوْت ن اِثَرِي ن رَفنار اَذ اِنقار ذَك وُراون نوم. <sup>20</sup> اَمزوار اِئخَصَّ اَذ تَسَنم بَلِي وار ذِين اُوار اِ زايَس اِتْكَاشاف وُذَلِيَس ن اَرَبِّي اِنزَمار اَذ اس نَفَسار علاخَساب ثِيَزِي نَغ، <sup>21</sup> مِينِزِي اُوار ن اَرَبِّي وار ذ اِتْفَغ عَمارَص زِي مِين اِخَسَن بِنادَم، ماشا اِوُذان اِمقَداسِن سَوْرَن زِي اَرَبِّي اَم ذ اسن-د اِنذَه اُروح اِقْدَسِن.

### حَضام اِخْف نَوْم زَكَّ اِمَسْرماذِن اِسْخارَبِقَن

**2** ماشا تُوغا ذِين عاوِذ جَار وِيذُوذ اِمكاشافن اِسْخارَبِقَن، اَم مامَّش اِ غَا اِرِين وُرا ذ اِمَسْرماذِن زُوْر جَاروم، اَذ سِيذِن ثِيَبِرِيذِيْن اِتارِدَدَجَن س ثَحْرانِمَشْت، اَر اِ غَا نَكَارَن سِيذِي اِ ثِن اِسْغِين، اَذ سَبُوَضن اَرَبَّب ذَغِيَا خ يِخْف نَسِن. <sup>2</sup> اَطاس اِ ثِن غَا اِضْفارَن ذِي رَقْجاحْت نَسِن، اَر اِ غَا اِتَواشَقَف وُپَرِيذَن ن ثِيذَت زِي سَبِيث نَسِن، <sup>3</sup> وُشَا س طَمَع اِ ذايَسِن اَذ زايَوْم سْتَنفَعن س وِوارن اِسايسِن اَخْمِي سْتَنفَعن زِي سَرَعْت، ماشا رُحُوْم وار اِبْطَر رُوْقْت اَطاس وُشَا اَهْلَك نَسِن وار اِتْئودُوْم شَا. <sup>4</sup> مِينِزِي مارا اَرَبِّي وار اِصَار خ لَمالاکاْت اِ يَكْتِن دُنُوْب، ماشا، رامي ثنْت اِنضار ذَكَّ وُحْفور قَارَن اس ثارْتارُوَس، اَقَّا اِسْلَم اِئْتَن ذِي سَناسرَن تادچسْت جِيما اَذ ذِين قِيْمَنْت اَر رُحُوْم، <sup>5</sup> وُرا ذ دُونِيث ن زِيش، وار ت اِصَار، ماشا نَتَّا تُوغا اِحْضَا نُوح، اَمبارَح ن تَسْكَذا، ذ وِنِّي ذ وِسِّ ثَمِنيا اُوارنِي سِباعا نَضْنِي اَكِيَس، رامي ذ اِسْفِي اَرَبِّي طوْفان خ دُونِيث ن لَكُوْفار، <sup>6</sup> وُشَا اِسْشَمَض ثِيندَام ن سُوذُوْم ذ كَلْمورًا اَرامي ذورنْت ذ اِعْض وُشَا اِحْكَم خاسنْت س وارَبَّب، اَقَّا يار اِئْتَن ذ لَمائال اِ لَكُوْفار، <sup>7</sup> وُشَا تُوغا اِسْتَجْم لُوْت، اَمْسْكَاَذ، وِنِّي تُوغا اِتودَّب اَطاس زِي رَحْرُوَص اِفُوْشُوْحن ن اِنِّي وار غار تَدْجِي تارواْت، <sup>8</sup> مِينِزِي اَمْسْكَاَذ وائِنبا، اَم تُوغا اِزْدَغ جَاراسن، تُوغا اِتْعَداب رَعْمار اِسْكَذَن نَس زَكَّ واس اَر واس وُومِي اِزْرا وُشَا اِسْرا رَحْذايَم نَسِن اِ وار اِسْكَذَن، <sup>9</sup> خَنِي اَقَّا اَرَبِّي اِسْن مامَّش اِ غَا اِسْوَغ زَكَّ وُغُوْكَوِي اِنِّي اِوقارَن اَرَبِّي ذ مامَّش اِ غَا اِحْضَا اِنِّي وار اِسْكَذَن جِيما اَذ تواعاقِبَن ذَكَّ واس ن لِحِيَساب، <sup>10</sup> ماهُوْقاع اِنِّي ضْفارَن اَيُسُوْم ذِي نَشُوْت نَسِن اِخْمَجَن، سَحْقاران صُوْلطان ن سِيذِي. اَقَّا-ثَن ذ اِمَعْفارَن غار ثِيَزِي نَسِن، وار تَكُوْذَن اَذ شَقْفَن خ اِنِّي اِ غار اِدْجَا وُغُوْدَجِي، <sup>11</sup> ماحنْذ لَمالاکاْت نَبِّي وُجارتَن ثِن ذِي ثِيَزَمار ذ

جَهْد، وار تيوضنت اذ خاسن حكمت س اِج ن رُحُوكم اِشَقَفَن. <sup>12</sup> ماشا يينا، اَمَشِنَاو  
لحاياواناث اِكْناون اِنِّي اِضْفَارَن طَبِيْعَت، اَقَّا تَوارون جِما اذ تَواحيسن وُ اذ تَوارِدْجِن،  
اَقَّا نِيْشِي تَشَقَافَن ذِي مِين وار فَهْمَن وُشا اذ تَواهلكن قاع ذِي رَعَشَن نَسَن، <sup>13</sup> اذ طَفَن  
رَعِيْدَجْث ن رَحْدايم نَسَن اِ وار اِسْكَدَن. اِتْغِيْر اَسَن ذ اَبَارُع وُوي ضَفَارَن شَهْواث نَسَن س  
وُزير، اَقَّا نِيْشِي ذ اِبْقِيْضَن ذ نَحْبًا اِخْمَجَن، نَهِيْلان ذَك وُشْماَث نَسَن خَمِي كِيوم تَنشَطَن.  
<sup>14</sup> نِيْطَاوِين نَسَن شُورنَت س زينا، اَقَّا نِيْشِي وار بَدَن شا ماحنْذ اذ خَضان وُ اذ غَوان رَعْمُور  
ن يَني وار اِبْدَن نِيْشان وُشا غارسن وُر اِتْوارِبان خ طَمَع، اَقَّا نِيْشِي ذ تارِوان ن نَعْرَث، <sup>15</sup> فَعَن  
زَك وُبرِيْذ اِسْكَمَن، وُدارن، وُشا ضَفاران اَبْرِيْذ وُني اِكا بالعام، مِيْس ن بُوْشُور، وُني تُوعا  
اِتْخَسَن رُمُون ن رَعَشَن، <sup>16</sup> ماشا وَايْشا اِكْسِي اِج ن وُويْخ اِ رُمُوْعَصِيْث نَسَن. اَقَّا زَايْرَث  
ثاَكْناوَت ثَسْبُور غارس س اِشْث ن ثُمِيْجَا ن اِوْذان، ثَمَع ثُوْبُوْهْرِيان وُ مِكاْشاف. <sup>17</sup> نِيْشِي ذ  
رَعُونصار وار ذايْس بُو وِامان، ذ اِسِيْنوْثَن تَوعارْتَن س وُسْمِيْض، اَقَّا ثُوْبَارَشَن ن تاَدْجَسْث  
ثَنواَسُوْجذ اَسَن. <sup>18</sup> اَم سَوارن س وِوارن ن ثُوْفْث اِخوان، اَقَّا نِيْشِي سَعْكَوان س نَشِواث  
ن وِيسُوم وُ س وُفُوْشَح مارًا اِنِّي اِكْورن اذ اَرُورن زَك اِنِّي اِدَارن ذَك وُودار. <sup>19</sup> وَاَعْدَن اَسَن  
ثِيْرِي، وَاخا نِيْشِي سِيْمانَت نَسَن ذ اِسْمَعان ن رَعَشَن. مِيْنِيْ وِي زِي ثَواغْلَبْذ، اَقَّا اِنْتا شَك  
ذ اِسْمَع. <sup>20</sup> مارا نِيْشِي، اُوارني رامي د فَعَن س ثُموسنان سِيْذِي ذ اَمْسَنجَم، يَشُو لَمْسِيْح  
زِي رَحْمَج ن دُوْنِيْث، اذ د ذُورن ذِي ثَخْشَفْث نَس عاوْذ وُشا اذ زايْس تَواغْلِبَن، حَنِي اَقَّا  
اَنكَار نَسَن اذ اسن ث يورا ماهوخ وُمزوار. <sup>21</sup> اَقَّا حَسَن اَسَن ماعْلِيْك قِيْمَن وار سَيْنَن اَبْرِيْذ  
ن ثَسْكَذا زِي مِين سَنَن وُشا رَحْدَنِي اذ فَعَن عاوْذ خ ثوصِيْث اِقْدَسَن اذ اسن-د اِتْواَسْلَمَن.  
<sup>22</sup> اَقَّا ثَمْسار اَسَن اَم اِنَّا وِوار-ا ن ثِيْذت ”اَقْرِيْن اَقَّا اِذُور-د خ مِين ثُوْغا ذ اِعُوْق.“ نِيْغ مامْش  
ذ اس قَارن اِنْضِي ”اِرْف اِضْفان اِذاكْوار اِئماراغ ذَك وُباريُوض نَس.“

### اَسَن ن اَرْبِي

3 اِ اِمْعِيْزَن، ثا ذ ثابرات وِيسَ ثنائين اذ اوم-د وُريْغ وُشا ذِي ثنائين ن ثيرائين نِي اَرُورُغ  
اذ سَفافَع ثِيْث نوم اِضْفان اَم كَنِيو سَعْمَرُغ جِما اذ ثَفْكارم ذَك وِوارن اِنِّي ثُوْغا  
اِنان اِمْكاْشافَن اِقْدَسَن زِيْش وُ ذِي ثوصِيْث ن اِمازانن ن سِيْذِي اَمْسَنجَم. <sup>3</sup> مان اَيَا اِتْخَصْصَا  
اذ سَنَم ذ اَمْرُوارُو، ذَك وُشان اِنْكَورا اذ د اسن اِنِّي اِسْحَقاران، اِنِّي اذ وُيُورن غارن نَشِواث  
نَسَن، <sup>4</sup> اذ اِنِين ”ماني اِدْچا رِواغْدَن ثَواسيْث نَس؟ زَك وِامي طَصَن رَجْدُوْذ نَع، اَمُو اِيْقِيْم  
كُورْشِي اَم ثُوْغا اِدْچا زَك وُمزوار رامي ثَواكْ دُوْنِيْث.“ نِيْشِي وار حَسَن اذ سَنَن بَلِي س  
وِوارن اَرْبِي اَقَّا ذِيْن اِجْنوان اَطَّاس زَك وِامي، وُرا ذ رِبَار اِ اِدْچان زَك وِامان وُ س وِامان

6 اِ زِي دُونِيث ن رُوْقْت نِّي ثُوغا ثنواهللك وُمي ذ خاس سَفِين وامن ن رَحْمَرْت ذَك  
 وُسان ن نوح. 7 ماشا اِجْنون ذ ثُمورث ن ييضا، اَقّا تَواحِفْضَن س سِيمانت ن واور  
 نِّي، حَمْرَن اِ ثَمْسِي اَر واسّ ن لِحِساب ذ وُودار ن لَكُوفار. 8 اِ اِمعيّزَن، وار خاوم  
 ثُوډيري اِشْت ن رُحاجت اَقّا-ت ذ ثا: غار اَرَبِي اِجّ ن واسّ اَم اَرَف ن اِسْكُوسا وُشا  
 اَرَف ن اِسْكُوسا اَم اِجّ ن واسّ. 9 اَقّا سِيذِي وار اِسْعِيّزِي ذَك وُشُوفَع ن رَواغذ نَس  
 اَم مامّش ذ اسن اِنْعِيْر اِ شا زايّسن، ماشا نْتا اِكُور اَكِيذَنغ س تاسييع ن رُخاضار نَس،  
 مينيْرِي نْتا وار اِتْحَس شا اَذ يارَبب وُرا ذ اِجّ، ماشا ماحنذ اَذ ثيري تاسييع اَذ ثوبن مارا.  
 10 ماشا اَسّ ن سِيذِي اَذ د ياس اَمشْناو اَخْوان ذِي دُجِيرْت. ذَك واسّ نِّي اَذ وُدان  
 اِجْنون س رَحَسّ اَمْقَران وُ ثيمسرايين ثيمزورا ن دُونِيث اَذ فَسِينت ذِي ثَمْسِي وُشا  
 ثامورث ذ رَحْذايِم اِ اِدْجان ذايّس اَذ تَواَسْشَمْضَنْت. 11 اَم مارا ثيمسرايين-ا اَذ مسارنت  
 اَمُو، مامّش اِنْتَشُورار اَذ ثُويورم كَنبو س ثَقْداسْت ذ وُوقار ن ثُشونِي، 12 ماحنذ اَذ ثِراجَم  
 اَذ نازَرَم غار ثَواَسِييْت ن واسّ ن اَرَبِي حَوي اِ غا فَسِين اِجْنون س ثَمْسِي وُ ثيمسرايين  
 ثيمزورا ن دُونِيث اَذ فَسِينت س رَعابُوق نَس؟ 13 ماشا نَشِين، علاحْساب رَواغذ نَس،  
 اَقّا نْتِراجا اِجْنون ن جَذِيذ ذ ثُمورث ن جَذِيذ ماني اِ غا ثَرذَغ ثَسْكَذا. 14 خ وُيَي،  
 اِ اِمعيّزَن، وُمي كَنبو نْتِراجام اَيّا، شُضارم اَذ ثتوافم زايّس ذِي رَهْنا نَبْرا رَحْمَج وُ نَبْرا  
 رَعِيْب، 15 وُشا حَسَبم تاسييع ن رُخاضار ن اَرَبِي ذ اَسْنجَم، اَمشْناو وُرا ذ وُمانغ اِعيّزَن  
 بُولُوس ذ اوم-د يوران علاحْساب ثيغيث اِ ذ اس اِمُوشَن، 16 اَمشْناو ذِي ثبرائين نَس  
 مارا حَوي ذ اَسْاوار ذايّسنت خ ثمسرايين-ا. اَقّا ذِين شان ثمسرايين ذايّسنت وِعارنت  
 اِ رَفْهاْمث وُشا ثوابدَرنت زي رُجُوْهَار ذ اِوْذان وار اِدْجين نيشان، اَمشْناو كَنبِنِي نِيئِنِي  
 وُرا اِ اِدْلِيَسَن نَضْنِي ذ مان اَيّا اِتاوِي غار وارَبب نَسَن. 17 كَنبو، اِ اِمعيّزَن، اَم ثنت ثَسْنَم  
 رَحُو قَبْر، حَضام اِخَف نَوْم، جِيما وار ثنَواشُوفُوعْم زَك وُبرِيذ حَوي اِنِّي اِفْعَن زي  
 تاوارث اَذ كَنبو سَعْوان س وُخَطُو نَسَن وُشا اَذ تَوضام وَاخا ثُوغا ثَبْدَم نيشان، 18 ماشا  
 س رَعكس كَمام ذِي نِيْعْمث ذ ثَمُوسْنا ن سِيذِيئَنغ اَمْسَجَم، يَشُو لَمْسِيح! اِ نْتا وُمي  
 اِ غا ييري وُغُوذْجِي، اَقّا رَحُو وُشا ذَك واسّ ن رِبْدا! اَمِين.